

寶氏聯珠集

第六集

關中叢書

邵力子署

陝西通志館印

關中叢書目錄

第六集

竇氏聯珠集一卷

唐竇常等

古今事物考四卷

明王三聘

豳風廣義三卷

清楊岫

水利議一卷  
續漢書郡國志釋略一卷

清張鵬飛  
毛昌傑

尚書微一卷

清劉光蕡


立政臆解二卷

前人

味經書院志一卷

前人

寶氏聯珠集



寶氏聯珠集

連珠之義蓋取一家之言以偕列郎署法五星如聯珠  
星星郎也詩凡一百首

故國子祭酒致仕贈太子少保府君詩

并傳

府君諱常字中行扶風平陵人也祖亶同昌郡司馬贈  
水部郎中皇考叔向仕至左拾遺贈尚書右僕射當代  
宗皇帝朝善五言詩名冠流輩時屬貞懿皇后山陵上  
注意哀挽卽時進三章內考首出傳諸人口者有禮遜  
生前貴恩追歿後榮又命婦羞蘋葉都人插柝花又禁  
兵還素帟宮女哭寒雲備在文集故刑部侍郎包佶製

序府君同氣五人各載首序府君大曆十四年舉進士  
與故吏部侍郎奚陟商州牧丁俛祕校獨孤授同年上  
第迨拾遺下世力養繼親家無舊產百口漂寓由是棄  
高科於盛時就泉府之小職邐迥者十年厥後載罹家  
禍因卜居廣陵之柳楊西偏疏泉種竹隱几著書者又  
十載由擢第至釋褐凡二十年洎貞元十四年秋成德  
軍節度使太尉王公命從事御史盧泚貺五百金辟爲  
掌記不就其年淮南節度左僕射霸陵杜公奏爲參謀  
授祕書省校書郎厥後歷泉府從事由協律郎遷監察  
御史裏行居無何湘東倅戎轉殿中侍御史賜緋魚袋



元和六年由侍御史入爲水部員外郎亦旣二歲婚嫁未畢求牧守之官出爲朗州刺史轉固陵尋陽臨川三郡旣罷秩東歸舊業時宰嘉招固辭衰疾因除國子祭酒致仕寶曆元年秋寢疾告終于廣陵之白沙別業享年七十七其年詔贈越州都督會昌元年武宗卽位恩覃中外嗣子弘餘任黃州刺史准赦改贈太子少保有文一十八卷西江逸民褚藏言製序

晚次方山精舍卻寄張薦員外

楚臆還無雪江春又足風馬羸三逕外人病四愁中西塞波濤闊南朝寺舍空猶銜步兵酒宿醉在滁東

和裴端公樞蕪城秋夕簡遠近親知

歲積登朝戀秋加陋巷貧宿醒因夜歇佳句得愁新盡日  
憑幽几何時上軟輪漢廷風憲在應念匪躬人

謁諸葛武侯廟

永安宮外有祠堂魚水恩深祚不長角立一方初退舍擬  
稱三漢更圖王人同過隙無留影石在窮沙尙啓行歸蜀  
降吳竟何事爲陵爲谷共蒼蒼

奉賀太保岐公承恩致政

召公爲保及清時冠蓋初閑拜武遲五色詔中宣九德百  
寮班外置三師山泉遂性休稱疾子弟能官各受詞不學

鑄金思范蠡乞言猶許上丹墀

四皓祠堂卽事

奪嫡心萌事可憂四賢西笑暫安劉後王不敢論珪組土  
偶人前枳樹秋

項亭懷古

力取誠多難天亡路亦窮有心裁帳下無面到江東命厄  
留騅處年銷逐鹿中漢家神器在須廢拔山功

奉使西還早發小礪館寄盧滁州邁

野棠花覆地山館夜來陰馬跡穿雲去雞聲出澗深清風  
時偃草久旱或爲霖試與惇嫠話猶堅借寇心

之任武陵寒食日途次松滋渡先寄劉員外禹錫

杏花榆莢曉風前雲際離離上峽船江轉數程淹驛騎楚  
曾三戶少人煙看春又過清明節算老重經癸巳年幸得  
枉山當郡舍在朝長詠卜居篇

奉贈寶大員外兄松滋渡見寄之作

朗州州員外司馬劉禹錫

楚鄉寒食橘花時野渡臨風駐綵旗草色連雲人去住水  
紋如縠鷺參差朱輪尙憶羣飛雉青綬初懸左顧龜非是  
湓城魚司馬水曹何事與新詩

奉送職方崔員外攝中丞新羅冊使

帝命海東使人行天一涯辨方知木德開國有金家册拜  
申恩重留驩作限賒順風鯨浪熟初日錦帆斜夜色潛燃  
火秋期獨往槎慰安皆喻旨忠信自無瑕髮美童年髻參  
香子月花便隨琛賚入正朔在中華

早發金鉤店寄奚十唐大二茂才

出門山未曙風葉暗蕭蕭月影臨荒柵泉聲近廢橋歲經  
秋後役程在洛中遙寄謝金門侶弓旌誤見招

途中立春寄懷楊郇伯

浪跡終年客驚心此地春風前獨去馬澤畔耦耕人老大  
交情重悲涼物外親子雲今在宅應見柳條新

七夕寄懷

露盤花水望三星  
髣髴虛無爲降靈  
斜漢沒時人不寐  
幾條蛛網下風庭

故祕監丹陽郡公延陵包公挽歌詞

卓絕明時第孤貞  
貴後貧郝詵爲胄  
子季札是鄉人  
筆下調金石花間領  
摺紳那堪歸葬日  
哭渡柳楊津

涼國惠康公主挽歌

玉立分堯緒  
笄年下相門  
早加于氏對  
偏占館陶恩  
淚有潛成血  
香無卻返魂  
共知何駙馬  
垂白抱天孫

哭張倉曹南史

萬事竟蹉跎重泉恨若何官臨環衛小身逐轉蓬多麗藻  
嘗專席閑情欲爛柯春風宛陵路丹旆在滄波

過宋氏五女舊居

宋氏女娣五人  
貞元中同入宮

謝廷風韻婕妤才天縱斯文去不迴一宅柳花今似雪鄉  
人擬築望仙臺

奉寄辰州房使君郎中

漢代文明今盛明猶將賈傅暫專城何妨密旨先符竹莫  
是除書誤姓名蝸舍喜時春夢去隼旗行處瘴江清新年  
只可三十二卻笑潘郎白髮生

酬寶大閑居見寄

辰州刺史房孺復

來自三湘到五谿青楓無樹不猿啼名慙竹使宦情少路  
隔桃源歸思迷鵬鳥賦成知性命鯉魚書至恨睽攜煩君  
強著潘年比騎省風流詎可齊

北固晚眺

水園芒種後梅天風雨涼露螢開晚簇江鷺繞危檣山趾  
北來固潮頭西去長年年此登眺人事幾銷亡


謁三閭廟

君非三諫寤禮許一身逃自樹終天戚何裨事主勞衆魚  
應餌骨多士盡鋪糟有客椒漿奠文衰不繼騷



杏山館聽子規

楚塞餘春聽漸稀  
斷猿今夕讓霑衣  
雲埋老樹空山裏  
髣髴千聲一度飛



故國子司業贈給事中扶風竇府君詩

府君諱牟字貽周家世所傳載於首序府君貞元二年  
舉進士與從父弟故相贈司徒易直故相贈少師李公  
夷簡故兵部侍郎張公賈故工部侍郎張公正甫同年  
上第府君初授祕校東都留守從事歷河陽三城從事  
累轉協律郎評事監察御史裏行府罷復爲留守判官  
轉殿中侍御史尋爲昭義節度判官累遷檢校水部員  
外轉本司郎中兼御史賜緋魚袋後爲留守判官檢校  
尚書都官郎中出爲澤州刺史改國子司業長慶三年  
春寢疾告終于宣平里之私第享年七十四嗣子周餘

任祕書丞今上卽位恩覃內外准赦文大中四年贈給  
事中府君和粹積中文華發外唯琴與酒克儉于家時  
人以爲有前古風韻世爲五言詩加以筆述文集十卷  
未暇編錄

史館候別蔣拾遺不遇

千門萬戶迷佇立月華西畫戟晨光動春松宿露低主文  
親玉屐通籍入金闈肯念從戎去風沙事鼓鞞

早赴銀臺立馬待漏口號寄弟羣

上陌行初盡嚴城立未開人疑早朝去客是遠方來伏奏  
徒將命周行自引才可憐霄漢曙鷓鷯正徘徊

天津曉望因寄呈分司一二省郎

萬乘西都去千門正位虛鑿龍橫碧落提象出華胥望幸  
宮嬪老迎春海鷺初保釐纔半仗容衛盡空廬要自詞難  
擬由來畫不如散郎無所屬聊事穆清居

寶洛陽見簡篇章偶贈絕句

恭王傅楊憑

直用天才衆卻瞋應欺李杜久爲塵南荒不死中華老別  
玉翻同西國人

奉酬楊侍郎十兄見贈之作

翠羽雕蟲日日新翰林工部欲何神自悲由瑟無彈處今

作關西門下人

早入朝書事

紫陌紛如畫，彤廷鬱未晨。  
列星沈騎火，殘月暗車塵。  
隱軫排霄翰，差池跨海鱗。  
玉聲繁似樂，香澤散成春。  
歎息驅羸馬，分明識故人。  
一生三不遇，今作老郎身。

秋夕閑居對雨贈別盧七侍御坦

鷺鷥辭巢蟬蛻枝，窮居積雨壞藩籬。  
夜長簷霽寒無寢，日晏廚煙濕未炊。  
悟主一言那可學，從軍五首竟徒爲。  
故人聽馬朝天使，洛下秋聲恐要知。

杏園渡

衛郊多壘少人家南渡天寒日又斜君子素風悲已矣杏  
園無復一枝花

元日喜聞大禮寄上翰林四學士中書六舍人二十

韻

有事郊壇畢無私日月臨歲華春更早天瑞雪猶深玉輦  
迴時令金門降德音翰飛鴛別侶藜植桂爲林粉澤資鴻  
筆薰和本素琴禮成戎器下恩徼鬼方沈麟爵來稱紀官  
師退絕箴道風黃閣靜祥景紫垣陰壽酒朝時獻農書直  
夜尋國香煨翠幄庭燎葩紅衾漢魏文章盛堯湯雨露湛  
密辭投水石精義出砂金宸扆親唯敬鈞衡近匪侵疾驅

千里駿清戾九霄禽慶賜迎新服齋莊棄舊簪忽思班女  
怨遙聽越人吟末露甘貧病流年苦滯淫夢中青瑣闌歸  
處碧山岑竊抃聞韶護觀光想韎任大哉環海晏不算子  
牟心

緱氏拜陵迴道中呈李舍人少尹

忽忝諸卿位仍陪長者車禮容皆若舊名籍自憑虛上路  
花偏早空山雲甚餘卻愁新詠發酬和不相如

陪韓院長韋河南同尋劉師不遇

仙客誠難訪吾人豈易同獨遊應駐景相顧且吟風藥畹  
瓊枝秀齋軒粉壁空不題三五字何以達壺公



同前 得尋

都官員外郎韓愈

秦客何年駐仙源此地深還隨躡屐騎未訪馭風襟院閉  
青霞入松高老鶴尋猶疑隱形坐敢起竊桃心

同前 得師

河南縣令韋執中

早尙逍遙境常懷汗漫期星郎同訪道羽客杳何之物外  
求仙侶人間失我師不知柯爛者何處看圍碁

奉誠園聞笛

園馬侍中故宅

曾絕珠纓吐錦茵欲披荒草訪遺塵秋風忽灑西園淚滿

目山陽笛裏人

李舍人少尹惠家醞一小榼立書絕句

禁鑠天漿嫩虞行夜月寒一瓢那可醉應遣試嘗看

答竇二曹長留酒還榼一絕

河南少尹李益

榼小非由榼星郎是酒星解醒元有數不用嚇劉伶

送東光呂少府之官

連帥奏授

遠愛東光縣平臨若木津一城先見日百里早驚春德禮  
邀才重恩輝拜命新幾時裁尺素滄海有枯鱗

送劉公達判官赴天德軍幕

特建青油幕量分紫禁師自然知召子不用問從誰文武  
輕車少腥膻左衽衰北風如有寄畫取受降時

軍有東西受降城

### 故祕監丹陽郡公延陵包公挽歌

台鼎嘗虛位夔龍莫致堯德音冥祕府風韻散清朝天上  
文星落林端玉樹凋有吳君子墓返葬故山遙

### 晚過敷水驛卻寄華州使院張鄭二侍御

春雨如煙又若絲曉來昏處晚晴時仙人掌上芙蓉沼柱  
史關西松柏祠幾許歲華銷道路無窮王事繫戎師迴瞻  
二妙非吾侶日對三峯自有期

### 洛下閑居夜晴觀雪寄四遠諸兄弟

雪月相輝雲四開  
終風助凍不揚埃  
萬重瓊樹宮中接  
一直銀河天上來  
荆楚歲時知染翰  
湘吳醇酎憶嚼盃  
強題  
縑素無顏色  
鴻鴈南飛早晚迴

奉酬侍御家兄東洛閑居夜晴觀雪之什

試國子主簿庠

洛陽宮觀與天齊  
雪淨雲銷月未西  
清淺乍分銀漢近  
輝光漸覺玉繩低  
綠醪乍熟堪聊酌  
黃竹篇成好命題  
應念  
武關山斷處  
空愁簿領候晨雞

奉使至邢州贈李八使君

獨占龍岡部  
深持虎節居  
盡心敷吏術  
含笑掩兵書  
禮飾

華纓重才牽雅製餘茂陰延驛路温液逗官渠南畝行春  
罷西樓待客初瓮頭開綠蟻砧下落紅魚牧伯風流足輜  
軒苦澁虛今宵鈴閣內醉舞復何如

秋日洛陽官舍寄上水部家兄

洛陽歸老日此縣忽爲君白髮兄仍見丹誠帝豈聞九衢  
橫逝水二室散浮雲屈指豪家盡傷心要地分禁中周幾  
鼎原上漢諸墳貔虎今無半狐狸宿有羣威聲慙北部仁  
化樂南薰野藥飢來食天香靜處焚壯年唯喜酒幼學便  
訶文及爾空衰暮離憂詎可云

酬舍弟牟秋日洛陽官舍寄懷十韻

尚書水部員外郎常

幼爲逃難者纔省用兵初去國三苗外全生四絕餘老頭  
親帝里歸處失吾廬逝水猶嗚咽祥雲自卷舒正郎曾首  
拜亞尹未平除幾變陶家柳空傳魏闕書思凌天際鶴言  
甚轍中魚玉立知求己金聲乍起予在朝魚水分多病雪  
霜居忽報陽春曲縱橫恨不如

望終南

日愛南山好時逢夏景殘白雲兼似雪清晝乍生寒九陌  
峯如墜千門翠可團欲知形勝盡都在紫宸看

酬舍弟庠罷舉從州辟書

之荆且願依劉表折桂終慙見郝詵舍弟未應絲作鬢園  
公不用印隨身

卷之三

子集四庫全書卷之三



故朝議郎御史中丞容管經略使賜紫金魚袋贈左散騎  
常侍扶風寶府君詩

府君諱羣字丹列家世所傳載於首序府君由弱冠不  
樂進士之科便於著書耕墾籍旣孤以蔬素自適著  
書于毗陵之西偏給長兄之俸而與諸季安於膝下者  
十稔泊再罹內艱殆盡而復全者數四厥後郡守給事  
中京兆韋公夏卿知公以爲江左文雅無出其右適貞  
元十年詔徵天下隱居丘園不求聞達之士韋公遂薦  
焉與桂山處士劉明素同表公之言云受天清氣與道  
逍遙時人以爲孔北海拔禰衡之文未之過也其時天

下慰薦九人公獨不除授其後韋公移牧吳郡又以公所著史記名臣疏三十四卷進入皆寢而不報人皆異之公自以爲通塞繫于命靜而俟之厥後韋公入爲天官侍郎改京兆尹中謝之日德宗與之緒言韋進曰臣忝居達官而竊有其位上曰卿有何負奏曰臣守毗陵日薦處士竇羣於時獨蒙不錄後臣任蘇州又進竇羣所著名臣疏又蒙不答臣以爲以人而廢在臣則當然言羣則屈上乃驚曰卿之知人固無疑卒不問者乃宰執之失也便宣卽令召對此貞元十八年也公卽日起于衡泌白衣召見上謂公曰夏卿知卿卿有何蘊蓄得

以盡言公從容對曰臣無蘊蓄第讀書俟時夫蘊蓄者  
迹在近班進有所不納諫有所不聽臣卽蘊蓄如臣處  
於草茅但仰玄化而已實無蘊蓄上甚奇其對便令宣  
付中書卽除諫官釋褐授右拾遺居無何祕監張公薦  
和蕃請公爲判官因改侍御史其後有故不行請復本  
列上不許遂守侍御史俄兼領雜務德宗晏駕改膳部  
員外郎出爲唐州刺史司空于公鎮漢南奏公爲節度  
副使檢校兵部郎中兼中丞加金紫居無何除吏部郎  
中遷御史中丞以舉職太過出爲黔中觀察使後以十  
洞擾亂准詔用兵翦伐事平公坐貶開州刺史亦旣周

歲除容管經略使憲宗以公守官無隱思欲大用因急  
詔追入中路遘疾終于衡州旅館享年五十五贈左散  
騎常侍公有子曰謙餘審餘偕孝敬相率審餘應進士  
公天授和粹亮直孤峻著書俟用隱於衡泌未嘗以名  
利枉其所守時論以公有公輔之望卒無所伸文集散  
落未暇編錄

題劍

丈夫得寶劍束髮曾書紳吁嗟一朝遇願言千載隣心許  
留冢樹辭直斷佞臣焉能爲繞指拂拭謝時人

黔中書事

萬事非京國千山擁麗譙佩刀看日曬賜馬傍江調言語  
多重譯壺觴每獨謠汭流如着翅不敢問歸橈

初入諫司喜家室至

一旦悲歡見孟光十年辛苦伴滄浪不知筆硯緣封事猶  
問傭書日幾行

草堂夜坐

匣中三尺劍天上少微星勿謂相去遠壯心曾不停

冬日曉思寄楊二十七諫卿

雨霜地如雪松桂青參差鶴警晨光上步出南軒時所遇  
各有適我懷亦自怡願言緘素封昨夜夢瓊枝

貞元末東院嘗接事今西川武相公于茲三周謬領  
中憲徘徊廳宇多獲文篇夏日卽事因繼四韻

重軒深似谷列柏鎮含煙境絕蒼蠅到風生白雪前彈冠  
驚迹近專席感恩偏霄漢朝來下油幢路幾千

晨興贈友寄呈竇開州

西川節度使檢校吏部尙書兼門下侍郎同中書  
門下平章事武元衡

江城歲方晏晨起眄庭柯白露傷紅葉清飈斷綠蘿徇時  
眞氣索念遠幽懷多宿昔東山意縱橫南浦波有美嬋娟  
子百慮攢雙蛾緘情鬱不舒絲竹自駢羅爲子歌苦寒旨

酒朱顏醜鬢髮條云變功名將柰何

奉酬西川武相公晨興贈友見示之作

碧樹分曉色宿羽弄清光猶聞子規啼獨念一聲長眷眷  
軫芳思依依寄遠方情同如蘭臭惠比反魂香新什驚變  
雅古瑟代沈湘殷勤見知己掩抑繞中腸隙駟不我待路  
人易相忘孤老空許國幽報期蒼蒼

竇三中丞去歲有臺中五言四韻之什未及酬答承  
領鎮黔南途經蜀門百里而近願言款覲封略間  
之因追酬曩篇持以爲贈

劍南西川節度使檢校吏部尚書兼門下侍郎同

平章事武元衡

在昔謬司憲嘗僚唯有君報恩如皎日致位等青雲削稟  
書難見除苛事早聞雙旌不可駐風雪路歧分

雪中寓直

寒光凝雪彩限直居粉闥恍疑白雲上乍覺金印非樹色  
藹虛室琴聲諧素微明晨阻通籍獨臥掛朝衣

同前

吏部員外郎韋貫之

耿耿風雪暮直廬未掩扉詠蘭幽助興儷玉粲相輝氣勁  
琴韻切夜深鑪火微雖殊江海遠卽此戀彤闈



春雨

昨日偷閑看花了今朝多雨奈人何人間盡似逢花雨莫  
愛芳菲濕綺羅

東山月下懷友人

東山多喬木月午始蒼蒼雖殊碧海狀愛此青苔光高下  
滅華燭參差啓洞房佳人夢餘思寶瑟愁應商皎潔殊未  
已沈吟限一方宦情哂鷄口世路倦羊腸彼美金石分眷  
言蘭桂芳清暉詎同夕耿耿但相望

贈劉大兄院長

萬年枝下昔同趨三事行中半已無路自長沙忽相見共

驚雙鬢別來殊

奉酬寶三中丞見贈

金州員外司馬劉伯翁

多幸嘗陪侍玉墀俄驚負譴阻天涯今日相逢問榮悴更  
嗟年鬢颯然衰

經潼關贈宇文十

古有弓旌禮今徵草澤臣方同白衣見不是棄繻人

送內弟袁德師

南渡登舟卽水仙西垣有客思悠然因君相問爲官意不  
賣毗陵負郭田

觀畫鶴

華亭不相識衛國復誰知  
悵望沖天羽甘心任畫師

北地

何事到容州臨池照白頭  
興隨年已往愁與水長流  
僮俛思逋客辛勤悔飯牛  
詩人亦何意樹草欲忘憂

時興

夙心曠何許日暮依林薄  
流水不待人孤雲時映鶴  
濛濛千萬花曷爲神仙藥  
不遇爛柯叟報非舊城郭

雨後月下寄懷羊二十七資州

夕霽涼飈至翛然心賞諧  
清光松上月虛白郡中齋  
置酒

平生在開衿願見乖殷勤寄雙鯉夢想入君懷

晚自臺中歸永寧里南望山色悵然有懷呈上右司

十一兄

白髮侵侵生有涯青襟曾愛紫河車自憐悟主難歸去馬  
上看山恐到家

假日尋花


武陵緣源不可到河陽帶縣詎堪誇枝枝如雪南關外一  
日休閒盡屬花

中牟縣經魯公廟

嘗修名臣略  
繫司徒公

青史編名在篋中故林遺廟揖仁風還將文字如顏色暫

下蒲車爲魯公



故朝議郎婺州刺史上柱國扶風寶府君詩

府君諱庠字胄卿家世所傳載於首序府君初應進士感於知己一言遂從事於商洛授國子主簿未幾而罷後吏部侍郎韓公出鎮武昌美公之才辟爲節度推官以監察御史俄而昌黎移鎮京口用爲度支副使改殿中侍御史昌黎卻入公至輦下遷漳州刺史秩滿時光祿卿范公由吳郡領宛陵奏公試太子中允兼侍御史爲團練副使加章服府罷除奉天縣令遷登州刺史昌黎公留守東都又奏授公爲汝州防禦判官改檢校戶部員外郎兼侍御史後遷信州刺史三載轉婺州亦旣

二載遘疾告終于東陽之官舍享年六十有二公天授  
倜儻氣在物表一言而合期於歲寒爲五字詩頗得其  
妙嗣子匡餘疾沒世次日繇晉州司法次日載國子監  
直講皆克荷素風聿修官業詩筆散落編錄未遑

太原送穆贄南遊

今朝天景清秋入晉陽城露葉離披處風蟬三數聲那言  
苦行役值此遠徂征莫話心中事相看氣不平

四皓驛聽琴送王師簡歸湖南使幕

朱絃韻正調清夜似聞韶山館月猶在松枝雪未消城笳  
三奏曉別鶴一聲遙明日思君處春泉翻寂寥



夜行古戰場

山斷塞初平人言古戰庭  
泉冰聲更咽陰火燄偏青  
月落雲沙黑風迴草木腥  
不知秦與漢徒欲弔英靈

寶五判官罷舉赴商州辟書袖文相訪書懷話舊因  
抒鄙辭

重表兄太府卿賜紫金魚袋韋渠牟

故舊相逢三兩家  
愛君兄弟有聲華  
文揮錦彩珠垂露  
興逸江天綺散霞  
美玉自矜頻獻璞  
眞金誰與細披沙  
終須撰取新詩品  
更比芙蓉出水花

酬謝韋卿二十五兄俯贈輒敢書情

大賢持贈一明璫蓬華初驚滿室光埋沒劍中生紫氣塵埃瑟上動清商荆山璞在終應識楚國人知不是狂莫恨伏轅身未老會將筋力是王良

段都尉別業

曾識將軍段疋礮幾場花下醉如泥春來欲問林園主桃李無言鳥自啼

靈臺鎮贈丘岑中丞

曉日天山雪半晴紅旗遙識漢家營近來胡騎休南牧羊馬城邊春草生

奉和王侍郎春日喜李侍郎崔給事張舍人韋諫議

見訪因命觴觀樂之什

華館遲嘉賓逢迎淑景新錦筵開絳帳玉珮下朱輪曲裏  
三仙會風前百轉春欲知忘味處共仰在齊人

勅目至家兄蒙淮南僕射杜公奏授祕校兼節度參  
謀同書寄上

朝市三千里園廬二十春步兵終日飲原憲四時貧桂樹  
留人久蓬山入夢新鶴書承處重鵲語喜時頻草奏才偏  
委嘉謀事最親榻因徐孺解醴爲穆生陳衛國今多士荆  
州好寄身煙霄定從此非假問陶均

贈道芬上人

上人善畫松石

雲濕煙封不可闕畫時唯有鬼神知幾迴逢著天台客認  
得巖西最老枝

金山寺

一點青螺碧浪中全依水府與天通晴江萬里雲飛盡鰲  
背參差日氣紅

酬韓愈侍郎登岳陽樓見贈

時予權知岳州事

巨浸連空闊危樓在杳冥稍分巴子國欲近老人星昏日  
呈新候川源按舊經地圖封七澤天限鑠重局萬像皆歸  
掌三光豈遁形月車纔碾浪日御已翻溟落照金成柱餘  
霞翠擁屏夜光疑漢曲寒韻辨湘靈山晚雲常碧湖春草

遍青軒黃曾舉樂范蠡幾楊舫有客初留鷁貪程尙數莫  
自當徐孺榻不是謝公亭雅論冰生水雄材刃發劓座中  
瓊玉潤名下茝蘭馨假守誠知拙齋心匪暫寧每慙公府  
粟卻憶故山茶苦調當三歎知音願一聽自悲由也瑟敢  
墜孔悝銘野杏初成雪松醪正滿瓶莫辭今日醉長恨古  
人醒

冬夜寓懷奉寄翰林王補闕

滿地霜蕪葉下枝幾迴吟斷四愁詩漢家若欲論封禪須  
及相如未病時

醉中贈符載

白社會中嘗共醉青雲路上未相逢時人莫小池中水淺處無妨有臥龍

東都嘉量亭詩

獻留守韓僕射

卜築三川上儀刑萬井中度材垂後儉選勝掩前功雲構中央起煙波四面通乍疑游汗漫稍似入崆峒塵閉高低盡山河表裏窮峯巒從地碧宮觀倚天紅靈檻如朝蜃飛橋狀晚虹曙霞晴錯落夕靄濕蒼龍庾亮樓何阨陳蕃榻更崇有時閑講德永日靜觀風玉斝飛無算金饒奏未終重筵開玳瑁上客集鴈鴻接武空慙蹇修文敢並雄豈須登峴首然後奉羊公

留守府酬皇甫曙侍御彈琴之什

青瑣畫無塵碧梧陰似水高張朱絲絃靜舉白玉指洞簫  
又奏繁寒磬一聲起鶴警風露中泉飛雪雲裏泠泠分雅  
鄭析析諧宮徵座客無俗心巢禽亦傾耳衛國知有人齊  
竽偶相齒有時趨絳紗盡日隨朱履那令雜繁手出假求  
焦尾幾載遺正音今朝自君始

龍門看花

無葉無枝不見空連天撲地逕纔通山鶯驚起酒醒處火  
焰燒人雪噴風

金山行

潤州金山寺  
寺在江心

西江中瀟波四截涌出一峯青帶堞外如削成中缺裂陽  
氣發生陰氣結是時炎天五六月上有火雲下冰雪夜色  
晨光相蕩沃積翠流霞滿坑谷龍泓徹底沙布金鳥道插  
雲梯螿玉架險凌虛隨指顧榱桷玲瓏皆固護幹流倒景  
不可窺萬仞千崖生跬步日華曛曛上金榜丹楹碧砌眞  
珠網此時天海風浪清吳楚萬家皆在掌瓊樓菌閣紛明  
媚曲檻迴軒深且邃海鳥夜上珊瑚枝江花曉落琉璃地  
有時倒影沈江底萬狀分明光似洗不知水上有樓臺卻  
就波中看啓閉舟人忘卻江水深水神誤到人間世歛然  
風生波出沒濯濯晶熒無定物居人相顧非人間如到日



宮經月窟信知靈境長有靈住者不得無仙骨三神山上  
蓬萊宮徒有丹青人未逢何如此處靈山宅清涼不與囂  
塵隔曾到金山處處行夢魂長羨金山客

于闐鍾歌

送靈徹上人歸越

靈嘉寺鍾按越中記此鍾本于闐國寺鍾因風雨  
失鍾所在有天竺僧過于闐識此鍾于越靈嘉  
寺至今鐫在寺樓

海中有國傾神功烹金化成九乳鍾精氣激射聲冲融護  
持海底諸魚龍聲有感神無方連天雲水無津梁不知飛  
在靈嘉寺一國之人皆若狂東南之美天下傳瓌文萬狀

無雕鑄有靈飛動不敢懸鑱在危樓五百年有時清秋日  
正中繁霜滿地天無風一聲洞徹八音盡萬籟悄然星漢  
空徒言凡質千鈞重一夫之力能振動大鳴小鳴須在君  
不擊不考終不聞高僧訪古稽山曲終日當之言不足手  
提文鋒百鍊成恐荆此鍾無一聲

陪留守僕射巡內至上陽宮感興

翠輦西歸七十春玉堂珠綴儼埃塵武皇弓劍埋何處泣  
問上陽宮裏人

愁雲漠漠草離離太液鉤陳處處疑薄暮毀垣春雨裏殘  
花猶發萬年枝

故武昌軍節度副使朝散大夫檢校祕書監兼御史中丞  
扶風寶府君詩

府君諱鞏字友封家世所傳載於首序府君元和二年  
舉進士與今東都留守左僕射孫公簡故吏部侍郎興  
元節度使王公源中中書舍人崔公咸制誥李公正封  
同年上第府君世傳五言詩頗得其妙故相淮陽公鎮  
滑臺辟爲從事釋褐授祕校淮陽移鎮渚宮遷峴首改  
協律郎二府專掌奏記淮陽下世司空薛公平鎮青社  
辟公爲掌書記又改節度判官副使累遷至大理評事  
監察御史裏行殿中侍御史檢校祠部員外郎章服後

薛公入爲民曹府君除侍御史轉司勳員外郎遷刑部  
郎中文昌故事文酒之爲由公復振也故相左轄元公  
出鎮夏口固請公副戎分實舊交辭不能免遂除祕書  
少監兼中丞加金紫無何元公下世公亦北歸道途邁  
疾迨至輦下告終于崇德里之私第享年六十三有子  
六人長曰景餘疾歿世次歸裕見任晉陽令俱力學修  
文孝敬相率公溫仁華茂風韻峭逸遇境必言詩言之  
必破的佳句不泯傳於人間文集散落未暇編錄

老將吟

烽煙猶未盡年鬢暗相催輕敵心空在彎弓手不開馬依

秋草病柳傍故營摧唯有酬恩客時聽說劍來

贈蕭都官

蕭郎自小賢愛客不言錢有酒輕寒夜無愁倚少年閑尋  
織綿字醉上看花船好是關身事從人道性偏

江陵遇元九李六二侍御給事書情呈十二韻

自見人相愛如君愛我稀好閑容問道攻短每言非夢想  
何曾間追歡未省違看花憐後到避酒許先歸柳寺春隄  
遠津橋曙月微漁翁隨去處禪客共因依蓬閣初疑義霜  
臺晚畏威學深通古字心直觸危機肯滯荊州掾猶香柏  
署衣山連巫峽秀田傍渚宮肥美玉方齊價遷鶯尚怯飛

宁看霄漢上連步侍彤闈

酬寶七相贈依次重用本韻

江陵府士曹參軍元稹

風波千里別書信二年稀乍見悲兼喜猶言是與非身名  
判作夢盃盞莫相違草館同床宿沙頭待月歸春深鄉路  
遠老去宦情微魏闕何由到荊州且共依人欺翻省事官  
冷易藏威剩擬馴鷗鳥無因用弩機看和松葉酒閑施稻  
田衣蓴菜銀絲嫩鱸魚雪片肥憐君詩似涌贈我筆如飛  
會遣諸伶唱篇篇入禁闈

忝職武昌初至夏口書事獻府主相公

白髮放囊韉梁王舊愛全竹籬江畔宅梅雨病中天時奉  
登樓宴閑修上水船邑人興謗易莫遣鶴 錢

戲酬副使中丞見示四韻

武昌軍節度使檢校戶部尚書元稹

莫恨暫囊韉交游幾箇全眼明相見日腴病欲秋天五馬  
虛盈櫃雙蛾浪滿船可憐俱老大無處用閑錢

微之見寄與竇七酬唱之什本韻外勇加兩韻

河南尹白居易

旌鉞從囊韉賓寮情禮全夔龍來要地鴛鴦下寥天赭汗  
騎驕馬青娥舞醉仙合音閣成江上作散到洛中傳窮巷能

無酒貧池亦有船春裝秋未寄漫道足閑錢

寶七中丞見示初至夏口獻元戎詩輒戲和之

山南東道節度使檢校司徒兼侍中晉國公裴度

出佐青油幕來吟白雪篇須爲九臯鶴莫上五湖船寶詩自稱

鶴兼云治船裝故也故態君應在新聲我亦便聞鄂州初教元侯看

再入好被暫留連

鄂州使至寶七副使中丞見示與元相公獻酬之什

鄙人任戶部尙書時中丞是當司員外郎每示篇

章多相唱和今因四韻以寄所懷

吏部尙書令孤楚



仙吏秦城別新詩鄂渚來才推今入米職副舊三台雕鏤  
心偏許緘封手自開何年相贈答卻得在中臺

早秋將行

迴望湓城遠西風吹荻花暮潮江勢闊秋雨鴈行斜多醉  
渾無夢頻愁欲到家漸驚雲樹轉數點是晨鴉

題任處士幽居

紅葉江村夕孤煙草舍貧水清魚識釣林靜犬隨人採掇  
山無主扶持藥有神客來唯勸酒蝴蝶是前身

南遊感興

傷心欲問前朝事唯見江流去不迴日暮東風春草綠鷓

鵠飛上越王臺

放魚

金錢贖得見刀痕  
聞道禽魚亦感恩  
好去長江千萬里  
不須辛苦上龍門

漢陰驛與宇文十相遇旋歸西川因以贈別

吳蜀何年別相逢  
漢水頭望鄉心  
共醉握手淚先流  
宿霧千山曉春霖  
一夜愁離情方浩蕩  
莫說去刀州

早春松江野望

江村風雪霽曉望  
忽驚春耕地人來  
早營巢鵲語頻帶花  
移樹小插槿作籬  
新何事勝無事窮  
通任此身

陝府賓堂覽房杜二公仁壽年中題紀手迹

仁壽元和二百年濛籠水墨淡如煙當時憔悴題名日漢  
祖龍潛未上天

登玉鉤亭奉獻淮南李相公

西南城上高高處望月分明似玉鉤朱檻入雲看鳥滅綠  
楊如薺遶江流定知有客嫌陳榻從此無人上庾樓今日  
捲簾天氣好不勞騎馬看揚州

早春送宇文十歸吳

春遲不省似今年二月無花雪滿天村店閉門何處宿夜  
深遙喚渡江船

少婦詞

坐惜年光變遼陽信未通  
驚迷新畫屋春識舊花叢  
夢遶天山外愁翻錦字中  
昨來誰是伴鸚鵡在簾櫳

歲晚喜遠兄弟至書情

幾年滄海別相見意多違  
鬢髮緣愁白音書爲懶稀  
新詩徒有贈故國未同歸  
人事那堪問無言是與非

南陽道中作

東風雨洗順陽川蜀錦花開綠草田  
彩雉鬪時頻駐馬酒旗翻處亦留錢  
新晴日照山頭雪薄暮人爭渡口船  
早晚到家春欲盡今年寒食月初圓

哭呂衡州八郎中

今朝血淚問蒼蒼不分先悲旅館喪人送劍來歸壠上鴈  
飛書去叫衡陽還家路遠兒童小埋玉泉深晝夜長望盡  
素車秋草外欲將身贖返魂香

贈阿史那都尉

校獵燕山經幾春雕弓白羽不離身年來馬上渾無力量  
見飛鴻指似人

經寶車騎故城

荒陂古堞欲千年名振圖書劍在泉今日諸孫拜墳樹愧  
無文字續燕然

遊仙詞

海上神山綠溪邊  
杏樹紅不知何處去  
月照玉樓空

寶氏聯珠集

鞏囁嚅詩一何神妙恨此少不見其集聯珠之最也戊  
戌歲中元前一日夷門旅舍書

潛夫

夜吟寶集追思夷門題處已三稔矣悽然感興書之  
往歲記時梁苑夜今霄吟處洛城秋浮生瞥電人何在  
懷舊傷心淚迸流三逕竹風隣笛怨一庭霜月井桐愁  
妻兒未會余惆悵只怪燈前不舉頭

自鞏而下皆 大夫所題慕而錄之

甲子歲春初中儀李公借此詩鈔寫得無何祕監尹公  
借去云已失墜不復相還余嘗讀此集寤寐思之至夏

末忽投書於致政大夫果蒙見借所恨自少閑暇令扎  
吏鈔錄故多謬誤躬親勘校頗亦改正因得吟味喜不  
自勝刑部員外郎兼太常博士和 何 記

時乾德二年六月廿五日雨霽

嶧 讀過

余家所藏和峴所校五寶詩世少其本和所跋甲子歲  
卽乾德二年也祕監尹公者尹拙也致政大夫者吏部  
尚書致仕張昭也昭字潛夫題鞏詩後一篇稱潛夫者  
卽昭也刑部外郎兼太常博士和者峴也後有題嶧讀  
過者峴季弟也惟中儀李公當是時爲禮部侍郎而李



姓者偶忘其爲何人遠方無書可考姑俟知者今刊諸  
公府庶永其傳淳熙五年四月旦日朝散大夫權知蘄  
州軍州事北海王崧書

卷之三十一 雜錄

一、

二、

三、

四、

五、

六、

七、

八、

九、

十、

跋

右寶氏聯珠集唐寶常及弟牟羣庠鞏著按常與諸弟並附唐書寶羣傳謂爲京兆金城人本集褚序又云扶風平陵人記載雖殊然平陵在漢屬右扶風魏黃初元年改平陵爲始平唐景龍四年改金城皆今之興平縣地也詩凡一百首又和詩十八首大抵承其家學皆善五言故集中所載獨多書目五卷見於新唐書藝文志常有南薰集三卷文集十八卷與其父叔向集七卷亦並載藝文志內此編特寶氏之零縑寸楮而已原跋謂詩爲和峴所校世少其本因出家藏者刊諸公府俾永其傳然則是集在北宋

時已自珍祕如此矧今更閱數百年後其寶貴又當何如也  
民國二十五年五月校

長安宋聯奎

蒲城王健

南鄭林朝元